

BONUS COJA

Cun sa Deliberatzione n. 46/22 de su 17/9/2020 sa Regione Autònoma de Sardigna at publicadu sos disponimentos pro dare contributos pro sas ispesas chi pertocant sas tzerimònias de sas cojas e uniones tziviles.

Podent presentare domanda sos isposos

- residentes in Sardigna (a su nessi unu de sos duos) a sa data de intrada in vigore de sa lege regionale 23 de trìulas 2020, n. 22,
- chi ant tzelebradu o ant a tzelebrare sa tzerimònia de coja o de unione tzivile in su perìodu intra de su 23 de trìulas 2020 e su 31 de nadale 2020,
- chi tzèlebrant su ritu in Sardigna.

Su contributu pertocat ispesas de servìtzios fatos dae operadores chi tenent sede in su territòriu regionale: ristoratzione, frores, bestimentas, organizatzione de sa festa de coja, afitu sala, diritos de agenzia de biàgios, afitu vettura pro sa die de sa coja, servìtziu fotogràficu, servìtziu de mùsica e festa, servìtzios de parruchieri e estetista.

Sa domanda de contributu depet èssere presentada mandende-dda ebbia a sa posta eletrònica protocollo@comune.oristano.it de su protocollu de su Comune de Aristanis, essende s'ente gestore de s'àmbitu Plus chi currispondet a su Comune cabu de logu de sa provìntzia de Aristanis in ue ddu est su Comune in ue s'est fata o s'at a fàghere sa coja o su ritu tzivile, cun ogetu "*Domanda contributu BONUS COJA / Richiesta Contributo BONUS MATRIMONIO*", dae sa data de publicatzione de s'Avisu e a intro de su 15 de santandria 2020 dae unu de sos duos isposos.

Totu sas informatziones s'agatant in sos allegados:

- Allegadu a sa Delibera n. 46/ 22 de su 17/09/2020 de sas Regione Autònoma de Sardigna
- Avisu pùblicu de su Comune de Aristanis
- Delibera n. 46/ 22 de su 17/09/2020 de sas Regione Autònoma de sa Sardigna
- Detèrmina de su Dirigente de su Comune de Aristanis
- Mòdulu de domanda

(MM)